



UNIVERSITÄTS-
BIBLIOTHEK
PADERBORN

Flores Meditationvm


Bebius, Philippus

Coloniae Agripp., 1623

Medit. 14. De Tentatione Christi.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

ferit roſtro. Quarto non habet unguis recur-
uos. Quinto educat pullos alienos, vt pro-
prios. Sic homo perfectus, debet vti gemitu, &
lachrymis dolorem de peccatis teſtari. Secun-
do debet eſſe miris, expers omnis iracundia
& odi, erga proximum. Tertio, non lingua of-
fendere quenquam, aut famam alicuius de-
trahere. Quarto, nec uſurpare aut retinere
alienum. Denique debet caritatis & miſeri-
cordia affectu neceſſitatibus proximi, aequè
atque ſuis ſuccurrere.



MEDITATIO XIV.
DE TENTATIONE
CHISTI.

PUNCTA MEDITATIONIS.

- Mat. 4.* I. *Chriſtus poſt baptiſmum, plenus Spi-
ritu ſancto in deſertum proſectus,
Mart. 1.* *40. diebus & noctibus ieiunauit.*
Luc. 4.
- II. *Tertio à Diabolo eſt tentatus, ſcilicet
in deſerto, in pinnaculo templi, & in
monte excelſo, ſed hoſtem vicit.*
- III. *Angeli acceſſerūt, & miniſtrabāt ei.*

FIGURÆ.

- Exod. 34* I. **M**OYSES ante datam populo Iſrae-
litico legem in monte cum Deo
quadraginta diebus & quadraginta no-
ctibus ieiunus permanſit.

2. Da-

MEDITATIONVM. 47

2. Dauid solus cum superbo gigante Goliath certamen iniit, eumque vicit & occidit. 1 Reg. 17
3. Dæmon in paradiso terrestri tentauit Adamum & Eua[m] virio gulæ & ambitionis. Genes. 3.

PROPHETIÆ.

1. **I**PSE conteret caput tuum, & tu insidias heris calcaneo eius. Genes. 3.
2. Super aspidem & basiliscum ambulabis, & conculcabis leonem & draconem. Psal. 90
3. Tu confregisti capita draconis. Psal. 73.

DOCUMENTA.

1. **C**HRI STVS simulatque fuit baptizatus, & Spiritus S. in eum descendit, & desertum ingressus est, tentare eum cepit diabolus; vt intelligamus, quamprimùm quis in filium Dei adoptatur, & per veram poenitentiam reuinciat mundo, ac professionem facit sequendi Christum, mox in eum inurgere inimicum, & grauioribus tentationibus impugnare, spe eundem, dum adhuc in virtutis via imbecillis est, vincendi & à capto cursu reuocandi, conuenienter illi dicto Sapientis. *Fili accedens ad seruitutem Dei prepara animam tuam ad tentationem.* Eccl. 2.
2. Christus primò baptizatus est, secundò adijt in desertum, tertio ieiunauit, quarto fuit tentatus. Hæc quatuor habere debet, quicumque tendit ad perfectionem, vt primò animam suam purget à peccatis, secundò renuncet illecebris huius mundi, tertio ieiunijs alijsq;

alijsque poenitentiae exercitijs carnem suam mortificet. Post remò tentationibus daemone fortiter resistat.

3. Poenitentia vt sit vera & fructuosa, Primò debet esse pura; hoc est, vt homo non sit in peccato, quod Christus significauit suo exemplo, dum eam post baptismum egit. Secundò debet esse aspera vt domet carnem. Sicut Christus eam non egit in loco ameno, sed deserto. Tertio debet esse directa, id est, non excedere modum, sicut Christus non egit eam proprio iudicio, sed ductus à Spiritu sancto.

1. Petr. 5. 4. Christus ieiunauit antequam à daemone tentaretur, vt discamus, sobrietate vincendas tentationes, quod consulit quoque Apostolus: nam inimicus non alijs armis oppugnat nos, quàm propriae carnis nostrae, quando non est bene mortificata.

5. Spiritus sanctus simul atque in Christum descendit, eundem impulit in desertum, vnde discimus eos religiosos, qui solitudinem non amant, sed carni & sanguini adherent, & consuetudine hominum huius saeculi delectantur, nec omnem creaturarum amorem exuisse, neque à Spiritu sancto duci, nec perfecte eius gratiam recepisse.

6. Christus noluit, secundum consilium daemone, lapides conuertere in panes: vt doceret nos, nunquam credendum inimico, nec villa in re, & si bona & vtilis in speciem appareat, ab eo suggesta, acquiescendum: nam sub bono ab eo proposito semper latitat venenum.

7. Tunc daemone consulit, vt ex lapidibus fiant panes, quando prae-textu discretionis conatur nobis persuadere; vt relicta asperitate poenitentiae, & austeritate vitae, indulgemus voluptatibus carnis.

8. De

8. Damon primò tentauit Christum peccato gulæ vt intelligeremus, ad vincendas quaslibet tentationes, primùm expugnandam gulam: nam, vt docet Beda, nisi primò gulam refrenemus frustra alijs vitijs extirpandis operam dederimus.

9. Christus noluit secundùm consilium dæmonis se de templò precipitem dare, vt nobis exemplum daret, non quærendi auxilia supernaturalia & extraordinaria, quando alia ratione, consilio vel auxilio humano res conficere possumus. Nam, vt dicit S. August. non cauere periculum, dum possumus, potius esse, tentare Deum, quàm in illum sperare.

10. Damon duxit Christum in pinnaculum templi, vt inde precipitaretur. O quot homines in dies extollit Damon, & deportat ad pinnacula Prælaturarũ & dignitatum mundi, vt inde lapsu grauiore ruant! O quanto securius est versari in vallibus statuum humilium: vbi vel nullus, vel cum exiguo periculo coniunctus est lapsus.

11. Cum dæmon Christo demonstraret omnia regna mundi, eorumque gloriam, asserbat omnia sua esse, seque ei daturum, si cadens ipsum adoraret. Qui volunt fieri magni & celebres in hoc sæculo, & magnas opes congregare, diligenter considerent quid agant: nam hæc difficulter, nisi adorato prius dæmone, obtineri solent.

12. Cum dæmon Christo suaderet, vt de templo se mitteret deorsum, Christus mansuetè respondit; sed cum postularet se supplicem adorari, illum à se reiecit, vt discamus, & iniurias nobis illatas omni submissione esse tolerandas, illatas autem Deo non solum non ferendas, sed ne audiendas quidem; Nam ad

C

iniu-

iniurias proprias patientem esse laudabile est, sed ad iniurias diuinas patientem esse impiū est & detestabile.

13. Dæmon à Christo reiectus & fugatus, discessit, vt loquitur Euangelista, *ad tempus*, Sæpenumerò Dæmon, cū præualere nequit contra nos, discedit fingens se victum, vt postea, quando putamus nos securos, inopinato incurfu facilius nos vincat. Quare seruus Dei in hac re debet esse valde cautus, & ita vnā vincere tentationem, vt semper à Dæmone inueniatur paratus ad vincendas alias.



MEDITATIO XV.
DE VOCATIONE
QUINQUE APOSTOLORVM.

PVNCTA MEDITATIONIS.

- Ioan. I.* I. *S. Andreas cum Socio, audiens S. Ioannem dicentem de Christo: Ecce Agnus Dei, secuti sunt eum, eoque die apud ipsum manserunt.*
- II. *Postridiè deduxit fratrem suum Petrum ad IESVM, qui eo viso statim dixit: Tu es Simon, filius Iona, vocaberis Cephas.*
- III. *Idem IESVS iturus in Galilaam dixit Philippo: sequere me. Is Nathanaelem secum deduxit.*

PRO-